

AKASHVANI AIZAWL
REGIONAL NEWS UNIT
(MIDDAY)



ZPM

ZPM Party chuan vawiin khan Aizawl Municipal Corporation (AMC) inthlan lo awm tura ZPM Official Candidate a puang a.

Vawiin khan Vanapa Hall ah AMC Candidate Puan leh Campaign Kick-Off inkhawm-ah ZPM General Hqrs President Pu Lalliansawta chuan an Party Candidate tur 19 te a puang a, Adviser Pu K. Sapdanga'n AMC Election Manifesto a tlangzarh a ni.

He hunah hian thusawiin Chief Minister Pu Lalduhoman Aizawl khawpui chhung rorel tu tur thlan a ni dawn a, chumi te rawngbawl tur chuan kan inpuah chah a ni a ti.

Chief Minister chuan an hmalakna hrang hrang sawiin, Project Monitoring Committee te chuan Project hrang hrang an thawhna ah endik na hna nasa takin an thawk a , ZPM sorkar hnuaiah chaun bankhur laih atanga an endik thin a ni a ti a, Minister tin te an hnathawh na kawngah an fakawm hle a ni a ti bawk.

Aizawl khawpui ah tui mamawhnate a san choh zel avangin Aizawl tan tui zem lian lammualah litre nuai 12 leng dah ani dawn a ti a, Aizawl hmar lam tan Scheme hran Aizawl Northern Pipe Line tih a ni a thawh mek a ni a ti a, thawh zawh a nih hunah chuan Laipuitlang , Durtlang, Zemabawk leh zuangtui te chuan a hma aia tha fe a tui an dawn theih tawh tur thu a sawi a. Tlawng lui meter 8 a sang a khuah tur a ni a sum pawh dah anih thu a sawi a, hei hian tui litre maktduai 1500 a khawl thei dawn hei hian tui lama harsatna kan tawh thin a phuhruk theih a rin thu a sawi a, Tanky litre zat hrang hrang hmun hrang hrang ah sak mek nih thu a sawi tel bawk.



MPCC

Congress Party-in vawiin khan Aizawl Municipal Corporation (AMC) inthlan lo awm tura an party candidate mi 19 an puang.

Vawiin khan Aizawla Lal Thanhawla Auditorium-ah Congress Party chuan AMC Candidate Puanna leh Party Manifesto Tlangzarhna hun an hmang a, Party President Pu Lal Thanzara chuan AMC inthlan lo awm tura an Party candidate te puangin, AMC-ah sum tam tak a awm chungin sorkarna changtu MNF enkawlina

hnuaiah Aizawl khawpui chu chei that a ni chuang lo a ti a, ZPM MLA pakhat, Chief Minister Adviser ni bawk chuan Aizawl khawpuiah engmah dah tawh loh an tum thu a sawi bawk a ti a, ZPM kaihhruai sorkarin Mizoram khawpui Aizawl chu Thenzawlah a sawn loh nan Aizawl khawpui chei turin Congress chet chhuah a ngai a ti.

Pu Lal Thanzara chuan miten an sawi fo thin Assembly inthlanpui lo awm leh turah Congress Party an chak tawh mai ang an tih thin a lo dik chhoh tan nan, AMC inthlan lo awm turah hian Congress Party chuan result tha an neih a ngai a ti a, AMC inthlanpui lo awm turah hian Thlarau Thianghlim chu an chhuan tur a ni tih sawiin, tawngtaina nena hmala turin Party mipuite a sawm a, Pathian malsawmna an dawng a nih chuan kum 2028-a MLA inthlanpui lo awm tur atana an campaign chanve an zo tihna a ni dawn a ti.

Party dangten candidate atana milar leh mi hausa an sawm chhuah laiin, Congress Party chuan khawtlang leh kohhran atana mi tangkai leh khawtlang inrelbawlnaa hmala thintute chu candidate atan an thlang tih sawiin, an party candidate te chu chhuanawm a tih thu a sawi bawk a ni.

Thlaleh April ni 21-a AMC inthlan lo awm turah hian Congress Party Candidate 19 zinga 9 te chu hmeichhia an ni.



AMC

Puan tawh angin, Mizoram State Election Commission chuan Aizawl Municipal Corporation inthlan vote thlak ni atan thla leh April ni 21 a ruat a, April ni 27 ah vote chhiar a ni ang.

Aizawl Municipal Corporation-ah hian ward 19 a awm a, heng zingah hian hmeichhiate tan a hauh bik ward hi paruk, ward no 2,4,5,11 leh 12 te a awm a, a bak ward 13 te chu candidate atana mipa leh hmeichhia nih theih ve ve na ward a ni thung a ni.

Aizawl Municipal Corporation inthlan hi ZPM, MNF leh Congress Party chuan ward zawng zawng chuh kim vek an tum a, BJP hian tun dinhmunah an ward chuh zat tur an la hre Chiang rih thei lo a ni.

